

# LE MENTEVR CONFONDV.

35-2-A-22

*Ou Responce à vn certain Liure Anonime qui  
à pour titre le Iugement rendu par Messieurs  
de la Propagation de la Foy, Sur le traicté  
du Purgatoire, prouué contre la Doctrine  
de Messieurs de la Religion Pretenduë Re-  
formée: Par Messire A. BOBYE Conseiller,  
Aumosnier, & Predicateur du Roy.*

POVR SERVIR D'APOLOGIE  
à Messieurs de la Propagation de la Foy de  
Lyon contre l'imposture de cét Autheur  
incogneu.

*Par le Sieur FRANÇOIS MAYDVICT Xaintongeois.*



A LYON,  
Chez ANTOINE OFFRAY au Change.  
M. DC. LXII.

*avec Permission des Supérieurs*

# MENTE CONFOIDA

On a vu par là que certain d'entre nous  
 a pour ainsi dire ingéré le poison de la  
 mort. Il y a eu de la part de certains  
 de nous une attitude, comme la dévotion  
 de la mort, une attitude d'attente de  
 la mort, une attitude de mort. C'est  
 la mort, la mort, la mort, la mort, la mort.  
 C'est la mort, la mort, la mort, la mort, la mort.

POUR LE RYTHME D'APOLLO  
 C'est la mort, la mort, la mort, la mort, la mort.  
 C'est la mort, la mort, la mort, la mort, la mort.



# IENTEUR CONFOND V,

*ou Responce à vn certain Liure Anonime qui a  
pour titre le Jugement rendu par Messieurs de  
la Propagation de la Foy, sur le traicté du  
Purgatoire prouué contre la Doctrine de Mes-  
sieurs de la Religion pretenduë Reformée:  
Par Messire A. BOBYE Conseiller, Aumosnier,  
& Predicateur du Roy.*

POVR SERVIR D'APOLOGIE A  
Messieurs de la Propagation de la Foy de  
Lyon, contre l'imposture de cet Autheur  
incogneu.

*Par le Sieur FRANÇOIS MAVDVICT Xaintongeois.*



LE grand Docteur des Nations, le di-  
uin S. Paul dans la lettre qu'il escrit  
à son bien aymé Disciple Tite, nous  
Enseigne qu'il y en à qui ne se peu-  
uent ranger, à la verité qui sont causeurs & qui  
corrompent les esprits auxquels ils faut fermer la  
bouche, l'erreur dit vn Pere de l'Eglise est com-  
me maladie, & infirmité de nostre enten-

de la raison, & met le desordre dans toutes les operations, de l'ame. Il suffit d'errer, coupablement & opiniatremēt en vn seul point essentiel pour estre Heretique & perdre la Foy. Personne ne peut douter que ce ne soit vne chose du tout importante à l'homme de ne'dōner entrée à son ame à aucune erreur cōtre cette vertu, que l'Apostre appelle la base des choses qu'on doit esperer, & sans laquelle il est impossible de plaire à Dieu. Car quand l'erreur a vne fois ietté de profondes racines, il s'y fortifie & retranche de telle sorte, aydé par la superbe de l'éprit de l'homme qui ne pût aduoüer qu'il se soit trompé, qu'à peine peut-il quitter la place à la verité de la Foy, quelque effort que l'on fasse pour l'enchasser. Cette verité se rend d'abord sensible au rencontre de ceux, ou qui par le malheur de leur naissance, ont esté nourris dans l'erreur, ou s'y sont laissés conduire, par les artifices de l'esprit de mensonge. Car si pour les arrester, vous leur allegués vn grand nombre de passages tres clairs, qui iustificient la verité contraire, tirés tant de l'Escriture Sainte, que des anciens Peres & Docteurs, vous ne faites pourtant aucune Impression dans leur esprit, il leur suffit pour se tenir assureés, s'ils peuuent produire vn seul passage obscur & difficile à entēdre duquel ils puissent abuser & s'en seruir  
pour

pour deffendre leur erreur avec quelque apparence de raison. Et il ne sert de rien de leur monstres que ce n'est pas le sens du passage, & que les Saints Peres l'ont autrement entendu. Ils se veulent tenir à celuy qu'ils ont inuenté pour soubstenir leur Heresie, expliquer ce qui est clair parce qui est obscur, & esclarcir la lumiere par les tenebres.

C'est ce que font ordinairement les Ministres & particulièrement l'Autheur Anonyme, qui bande tout son esprit pour expliquer l'escri-  
ture Sainte, à laquelle il donne la gehenne, pour luy faire dire, ce qu'elle n'a iamais pensé qui met les iniures à la place des raisons, & qui à eu assés de front pour oser soubstenir que Messieurs de la Propagation de la Foy de la ville de Lyon, ont rendu iugement & condamné le Liure de Monsieur Bobye, qui est vne insigne fausseté. C'est pourquoy cét Imposteur n'a osé mettre son nom à son Liure n'y celuy de l'Im-  
primeur, de peur d'estre conueincu de men-  
songe. C'est la façon ordinaire des Ministres de faire des passe-vollants de cette nature sans auer pour entretenir leur peuple dans l'erreur & n'osent paroistre de front pour soubstenir ce qu'ils aduācent & de mētir impudēment, pour donner quelque couleur à leur fausse Doctrine. Cét Autheur n'est proprement qu'un copiste

de Dumoulin. Ce qui faict qu'il a retenu son  
stile bouffon & façon d'escrire Satirique & peu  
iudicieuse; ie laisse ces Satires & bouffonneries  
pour le Theatre, les Controuerses de Religion  
se doiuent traiter serieusement & avec charité.  
Cét incogneu se plainct d'entree que les Mini-  
stres sont pauvres & qu'ils ne vont point en  
carrosse comme les Cardinaux, & les Eues-  
ques, ils en sont bien faschés, leur paureté  
n'est pas vne paureté volontaire comme celle  
des Capucins: Mais bien forcée, il ny a point  
de Ministre qui ayant cinq cents liures de re-  
uenue, n'en volut auoir mille; leurs femmes,  
& leurs filles, ne laissent pas d'estre ausy mon-  
daines & ausy pompeusement habillées que  
les autres quand ils en ont le moyen, & on ne  
voit tous les iours dans leurs Synodes, que des  
brigues & des disputes, à qui aura vne meilleu-  
re Eglise & ou il sera le mieux payé.

Ie laisse ces choses qui sont puerilles pour  
marrester à ce qui est essentiel & le subject de  
la controuerse & faire voir clairement a cet  
Auteur incogneu ou qu'il est malitieux & de  
mauuaise foy ou qu'il n'a iamais leu l'escriture  
Saincte, pour soustenir comme il faict, au Cha-  
pitre second de son Liure *page 13.* qu'on ne  
pourroit môstrer dans l'Ecriture aucun exem-

e peché) se referue vne peine temporelle , il  
 faiēt vne grande exclamation disant que c'est  
 accuser Dieu d'iniustice.

Pour bien establir la question & faire voir  
 les choses avec plus de lumiere & d'ordre ; il  
 est besoin de sçauoir en premier lieu qu'elle est  
 la doctrine Catholique touchāt la satisfaction:  
 l'Eglise Catholique enseigne que l'on satisfaiēt  
 à Dieu pour les pechés par les aumosnes , les  
 jeunes , les pleurs & autres peines volonta-  
 res.

Pour faire entendre cette verité à nostre Au-  
 theur incogneu, qui n'a iamais sçeu que c'est de  
 Theologie comme il tesmoigne par son Liure,  
 ie presuppose en premier lieu que le merite de  
 la peine , n'estant qu'une suite du peché, Dieu  
 peut pardonner le peché , & remettre le pe-  
 cheur en sa grace, sans le décharger de toute la  
 peine qu'il a meritée. C'est pourquoy pour  
 luy rendre vtile ce pardon & luy faire gouter  
 les fruits d'une sincere reconciliation. Il le de-  
 liure bien de la peine Eternelle, qu'il auoit me-  
 ritée luy laissant neantmoins vne obligation  
 de satisfaire à sa Iustice, par quelque peine tem-  
 porelle ; Or que Dieu puisse vouloir pour cēt  
 effect , que celuy qui l'ayme endure. Il appert  
 de ce qu'il a bien voulu, que son propre fils qui  
 l'aymoit selon son merite, souffrit pour satis-  
 faire



faire à sa mesme Iustice, que Dieu donc en vse de la sorte, les exemples en sont familiers dans l'escriture Saincte ainsi, il fit pardon à nos premiers Peres, les condamnant pourtant aux travaux de la vie, & finalement à la mort qu'ils endurerent, & que tous les Saints endurent apres eux, quoy qu'amis de Dieu, & nonobstant le pardon de leurs fautes : ainsi Moyse ayant dict à Dieu aux nombres Chap. 14. verset 19. *Pardonne ie te prie le peché de ce Peuple selon ta grande misericorde, Dieu luy respondit, i'ay pardonné selon ta parole, neantmoins pourtant ils n'entreront point en la terre promise, leurs charougnes tomberont dans le desert, & porteront la peine de leurs iniquités.* Ce lieu preuue euidemment la verité presuppосée, ainsi Dauid ayant recogneu son peché, le Prophete Nathan luy dit au 2. des Roys Chap. 12. vers. 13. *Aussi le Seigneur a transferé ton peché, tu ne mourras point, mais toutes-fois parce que tu as fait blasphemer les ennemis du Seigneur, pour cette parole, le fils qu'il t'est né mourra de mort.* Le reste de la Prophetie & menaces de Nathan luy arriua nonobstant le pardon de son peché ainsi Moyse & Aaron, ayant falli aux eaux de contradiction comme il est dict, aux nombres Chapitre 20. verset 12. Dieu qui sans doute leur pardonna, neantmoins en punition de leur



leur faute les fit mourir dans le desert , & les priua , de l'esperance qu'ils auoient d'entrer en la terre promise. Or la mort n'estoit pas pour les corriger, non plus que celle des autres hommes. Car personne ne se fait meilleur apres sa mort : C'estoit donc vne peine pour le peché comme Dieu dit a Moysé au Deuteronome Chap. 32. vers. 48.

le presuppose en second lieu que comme dit S. lean en sa premiere Epitre Chap. 2. vers. 2. *Le fils de Dieu a donné son sang pour lauer nos pechés.* Et pour satisfaire pour eux à la Iustice diuine & que ce sang estoit d'une valeur infinie , & plus que suffisant pour satisfaire plaine-ment pour les pechés de tous les hommes ; Mais qu'en effect il ne laue personne que ceux auxquels il a esté & est encore tous les iours appliqué par les actes de Foy , desperance & de charité, ou des autres vertus operantes par charité ou bien par le moyen des Sacrements, par lesquels aussi les merites de I E S V S- C H R I S T nous sont appliqués. De sorte que Dieu à leur consideration nous pardonne nos pechés, nous iustifie & nous santifie semblablement; Il n'a deliuré aucun de l'obligation d'endurer des peines Eternelles, que ceux auxquels ces satisfactions sont appliquées. Ce qui se faict plaine-ment au Baptisme par lequel Dieu en con-

B

sidera

fideration des fatisfactions de IESVS-CHRIST  
 efface tous les pechés de celuy qui est baptisé,  
 & luy remet toutes les peines deües apres cette  
 vie aux pechés commis auant le Baptisme &  
 moins plainement par les autres Sacremens ou  
 actes de penitence selon que les pratiquent  
 ordinairement les hommes ; car par eux les sa-  
 tisfactions de IESVS-CHRIST nous sont telle-  
 ment appliquées pour le regard du merite des  
 peines que Dieu nous en remettant vne partie,  
 nous laisse dequoy satisfaire par nous mesmes  
 pour l'autre si ce n'est , que le frequent vſage  
 des Sacremens & pratique des actes de vertu,  
 viennent à nous appliquer tellement les satis-  
 factions de IESVS-CHRIST que Dieu à leur  
 conſideration , nous deliure de toute l'oblig-  
 ation que nous auions à la peine meritée par  
 nos pechés , & par ce que personne ne ſçait s'il  
 a fait tout ce qu'il faut pour s'appliquer plain-  
 nement le benefice de IESVS-CHRIST , tous les  
 Saincts ont touſjours taſché de prendre toutes  
 les voyes poſſibles de ſatisfaire à la luſtice de  
 Dieu & par l'application des merites de ſon  
 fils & par les peines volontaires, par lesquel-  
 les ils ont voulu eux mesmes contribuer le peu  
 qu'ils pouuoient à ſuppleer ce qui leur man-  
 quoit des paſſions & ſatisfactions de IESVS-  
 CHRIST pour ce ne leur eſtre pas plainement  
 appli

appliquées par leur faute ; Or que tel ait esté<sup>18</sup>  
le sentiment de tous les Saincts Prophetes  
Apostres & autres. Il appert des preuues sui-  
uantes; car tous ont tasché de satisfaire à Dieu  
par des souffrâces & penitences volontaires ou  
par des aumosnes ou semblables moyens.

Daniel 4. verset 24. parlant à Nabuchodo-  
nosor que Dieu vouloit chastier à cause de sa  
superbe *dict, rachepste tes pechés par aumosne  
& tes iniquités par misericorde enuers les pau-  
ures*; Dauid apres son peché parlant de sa pe-  
nitence au Pseaume 101. *dit i'ay mangé la  
cendre comme le pain trempé ma boisson de mes  
larmes*: Or il faisoit cela apres le pardon du  
peché qui luy fut remis d'abord qu'il l'aduoüa  
& Pseaume 6. vers. 7. *I'ay trauaillé en mon ge-  
missement, i'ay baigné ma couche toutes les  
nuicts; i'ay mouillé mon liét de mes larmes.*  
Ioël 2. *Conuertissés vous à moy de tout vostre  
cœur en ieusnes, en larmes & en gemissemens* au  
4. des Roys Chap. 6. vers. 30. Il paroît la prati-  
que des Iuifs à faire penitence pour leurs pe-  
chés. Car il est dict du Roy Ioran, *dés que le  
Roy eut entendus les paroles de cette femme, il  
deschira ses vestemens & il passoit sur la mu-  
raille, & tout le peuple vit le cilice duquel il  
estoit vestu par dedans sur la chair* au 3. des Roys  
Chap. 21. vers. 27. *Et auint qu'aussi-tost qu'A-*

*chap eut entendu cela il deschira ses vestemens, couvrit sa chair de haïres & ieusnes, & dormit dans un sac & cheminoit baissant la teste en bas, Prouerbe Chap. 16. vers. 6 L'Iniquité est rachetée par misericorde & verité. Ieremie Chap. 4. Incitant le peuple à penitence ne leur dict pas seulement de s'amender ou changer de vie, mais bien partant ceignés vous de haïres lamentés & hurlés,*

*Jonas Chap. 3. raconte qu'yant presché la penitence aux Niniuites, ils la firent ainsi. Les hommes de Ninive creurent au Seigneur & publièrent le ieusne & se vestirent de sacs depuis le plus petit iusques au plus grand, &c. aussi la parolle vient iusques au Roy, & se vêtit d'un sac & s'assit sur la cendre. S. Luc Chap. 10. vers. 13. IESVS-CHRIST reprochant aux Iuifs leur infidelité & impenitence dict si Entyr & Ensydon eussent esté faiçtes les vertus qui ont esté faiçtes en vous gisans avec sac & cendre ils se fussent repentis. S. Paul aux Colossiens Chap. 1. vers. 24. I'acomplis ce qui manque des passons de IESVS-CHRIST en ma chair pour son Eglise.*

*L'Authœur Anonime doit se me semble estre satisfait par toutes ces autorités de l'Escripture qui prouuent clairement, que Dieu pardonnant le peché il ne pardonne pas la peine com-*

me il se void par les penitences pratiquée apres le pardon du peché, puis qu'il demande qu'on luy en monstre des exemples dans l'escriture Saincte, & qu'il est si scrupuleux qu'il ne veut rien croire qui ny soit formellement contenu Si vn Catholique luy faisoit la mesme demande il crieroit d'abord comme font ordinairement les Ministres qu'il seroit vn veroniste & Disciple de Veron & vn chicaneur de demander des passages formels de l'Ecriture qui disent leurs articles de Foy controuersés, quoy qu'ils y soient obligés puis qu'ils sont venus à ce qu'ils disent nous reformer par la pure parole de Dieu.

Il se void par les authorités suiuanes que ç'a esté la creance de l'Eglise primitiue & des Saincts Peres qu'il faut faire penitence & satisfaire à la Iustice de Dieu. Justin Martir qui escriuoit au commencement de l'Eglise enuiron 160. parlant en son Dialogue contre Triphon contre vne erreur qui estoit lors en l'éprit de plusieurs, *dict vous vous seduisés vous mesmes & vos semblables aussi, qui disent que Dieu ne leur imputera pas le peché pourueu qu'ils connoissent Dieu. Nous auons vn exemple au contraire, le peché ne fut remis à Dauid qu'en pleurant & se lamentant comme il est escrit.*

S. Irenée qui escriuoit enuiron l'an 180. *Dit*

14

*il enseignoit qu'ils payassent leur cupidité passée par des bonnes œuvres, or que les aumosnes soient le payement de la conuoitise passée, Zachée le monstre disant voicy ie donne la moitié de mes biens aux pauvres.*

*S. Hillaire sur le Pseaume 118. parlant de Daud ; Il recogneut en presence de Nathan son peché & le pleura, & ne cessa pas apres de lauer par ses larmes le crime de son ancien forfait, & apres, c'est le pardon du peché que ietter vne fontaine de pleurs & estre mouillé d'une grande pluye de larmes.*

*S. Cyprian qui escriuoit enuiron l'an 250. comme s'il parloit à l'Authcur Anonyme & aux ministres dit Ep. 10. Celuy qui oste ces choses à nos Freres trompe ces pauvres miserables qui pouuant en faisant vne bonne penitence satisfaire à Dieu misericordieux par leurs prieres & bonnes œuvres sont seduits de plus en plus, &c.*

*Epist. 27. Il faut que ceux là soient humbles & honteux qui se souuenans de leurs crime doiuent satisfaire à Dieu.*

*Epist. 40. Il faut appaiser Dieu par vne longue & continuelle satisfaction.*

*Epist. 59. Tu m'as fait entendre que Therapius a temerairement & auant le temps donné la paix à vn certain Victor auant qu'il eut fait*  
*en*

*entiere penitence & qu'il eust satisfait au Seigneur Dieu contre lequel il auoit peché.*

Origene escriuoit l'an 240. en l'Homelie 2. sur Leuitique, *Il y à une remission des pechés dure & laborieuse lorsque le pecheur trempe son liét de ses larmes, & que les larmes luy seruent de pain nuit & iour, & qu'il n'a point honte de dire son peché au Prestre, & plus bas si en l'amertume des pleurs, des larmes & lamentation en maceration de la chair, en ieusne tu rends ta chair aride tu auras offert vn sacrifice.*

S. Ambroise au Liu. 2. d'Helie & du ieûne Ch. 20. *Nous auons plusieurs moyës pour rachepter nos pechés, tu as de l'argent rachete ton peché, le Seigneur n'est pas à vendre; mais toy mesme est à vendre, tu as esté vendu par tes pechés rachete toy par tes œuvres, rachepte toy par ton argent.*

Le pourrois encore alleguer vn nombre infini de semblables autorités des Saints Peres de l'Eglise primitiue, lesquels soubstiennent qu'il faut faire penitence & satisfaire à la Iustice de Dieu par ieusnes, veilles, larmes, & aumosnes; comme il se void par la pratique des Prophetes & autres desquels l'escriture Sainte fait mention contre la Doctrine des Religioneux qui ne veulent point entendre parler de penitence, disant que IESVS-CHRIST a plaine-ment satisfait pour eux, tant pour la coulpe  
que



que pour la peine & qu'ils sont asseurés de leur salut. C'est pourquoy ils dorment à teste reposeé , sans se mettre en peine de rien les Saints Peres comme i'ay fait voir, n'ont pas esté de ce sentiment: Mais bien au contraire ils auoient aussy bien leu l'Ecriture Sainte qu'eux, & les passages qu'ils alleguent ordinairement pour fonder leur prétendue assurance de salut comme *Iesus-Christ à fait la purgation pour nos pechés , & que son sang nous netoye de tous pechés , & qu'il ny à nulle condemnation à ceux qui sont en Iesus Christ &c.* Cela est vray l'écriture bien entendue & dans le sens qu'il la faut entendre : Mais non pas dans le sens que luy donnent les Ministres , qui est contraire à celuy de l'Eglise primitiue, & des Saints Peres, S. Hierosme en son Commentaire, sur le Chap. premier de l'Ep aux Gallates , dit que les Heritiques par la mauuaise interpretation qu'ils font de l'écriture Sainte. *Qu'au lieu de l'Euangile de Iesus-Christ; ils font l'Euangile de l'homme. ( Et si i'ose dire dit-il,) l'Euangile du diable.*

Après auoir monstré que quoy que IESVS-CHRIST aitourny en sa Passion vn tresor infini de merites & de satisfactions en intention qu'ils seruissent pour le rachat de tout le monde. Toutes-fois sa Passion ne tient pas lieu  
de

de payement deuant Dieu; si ce n'est qu'elle soit appliquée par les voys qu'il a ordonnée comme sont les Sacremens, & la Foy viue c'est adire coniointe à l'esperance & à la charité, & par les actes de la mesme Foy viue; operante par charité, comme parle S. Paul. Car si cette application n'estoit necessaire pour c'est effect, Dieu auroit esté payé pour tous les pechés des hommes, & partant ne pourroit exiger aucune peine pour les pechez ny damner aucun ayant receu l'antier payement des debtes de tous les hommes. Suiuant cela, il appert que les hommes iusques à ce qu'ils se soyent parfaictement appliqués les merites & le prix de la passion de IESVS-CHRIST: ce que ne pouuant pas sçauoir en cette vie, s'ils ont fait comme il faut. Il faut qu'ils contribuent en ce monde le peu qu'ils peuuent de leur costé pour satisfaire à Dieu; & parce que nous ne sçauons pas si ceux qui meurent se sont suffisamment seruy des moyens ordonnés de Dieu pour s'appliquer plainement les satisfactions de I.C. où ils ont par leurs propres satisfactions supplée à ce qui leur manquoit de la parfaicte application de ses Passions. L'Eglise de Dieu sçachant que comme dit S. Iean au Chap. 21. de l'Apocalypse vers. 27. *Aucune chose souillée n'entrera dans le Ciel.* Et voyant le peu de ferueur des hom-

mes à faire penitence, & s'appliquer comme il faut les merites du Sauueur, & que souuent aussi la surprise de la mort n'en donne pas le loisir, elle tasche par ses prieres & sacrifices d'obtenir de Dieu la remission des peines qu'elle croit que nos Freres endurent souuent apres cette vie: Or qu'il y ayt des peines à souffrir apres cette vie pour ceux mesmes qui sont garantis de la peine Eternelle: En voicy les preuues comme aussi des prieres que l'Eglise a toujours fait pour eux même dès son commencement. Iosephe Iuifs Liure 3. de la guerre Iudaïque Chap. 23. Autheur qui escriuoit il y a près de seize cens ans, tesmoigne que selon la Loy des Iuifs on prioit pour les morts & que luy mesme estant assiégé dans Iotapaté, il detourna les assiégés de se tuer leur representant que la Loy de leur Nation ne permettoit point qu'on priaist pour les ames de ceux qui s'estoient tués eux même; Cela fait voir que s'estoit la croyance & pratique du peuple de Dieu auant la venue de IESVS-CHRIST.

Au 2. des Machabée Liure que le troisiéme Concile de Carthage déclara Canonique; Il y a plus de 1239. ans S. Augustin y assistant qui le met aussi au nombre des Canoniques au 2. Liure de la doctrine Chrestienne Chap. 8. & qui en parle ainsi au Liure 58. de la Cité de Dieu

Dieu Chap. 36. Les liures des Machabées sont tenus Canoniques non par les luifs, mais par l'Eglise.

Dans ce liure, dis-je Chap. 12. le S. Esprit parle ainsi. *C'est donc une Sainte & salutaire pensée de prier pour les morts afin qu'ils soient delivrés de leur pechés.*

S. Paul 1. aux Corinthiens Chap. 3. vers. 13. *L'œuvre d'un chacun sera manifestée par le feu, & le feu esprouvera qu'elle sera l'œuvre d'un chacun si l'œuvre d'aucun brûle il fera perte, mais il sera sauvé toutes-fois ainsi comme parmi le feu.*

Matthieu 12. *Celui qui pechera contre le S. Esprit, il ne luy sera pardonné en ce Siecle ny en celui qui est à venir.*

Escoutons S. Augustin expliquant ce passage au liure 21. de la Cité de Dieu Chap. 24. *Les prieres de l'Eglise & de quelques personnes pieuses faites pour les morts sont exaucées, mais c'est pour ceux là qui sont regenez en I. C. & non pas tellement vescu en leurs corps, qu'ils soient iugés n'en n'avoir pas besoin. Car il ne seroit pas dict avec verité, qu'il ny en à qui obtiennent remission ny en ce monde ny en l'autre, s'il ny avoit quelques uns auxquels le peché n'ayant pas esté remis en ce monde est remis en l'autre.*

Sur le Pſeume 37. expliquant le paſſage de S. Paul 1. Cor. c. 3. verſ. 13. Il dit a Dieu, *purgé moy en cette vie & rendés moy tel qu'il ne ſoit plus beſoin pour moy du feu qui corrige pour ceux qui ſeront ſauués, mais toutes - fois comme par feu.*

Et liure du ſoin pour les morts, au Liure des Machabées nous liſons qu'on offrit le ſacrifice pour les morts : Mais quand bien cela ne ſe liroit dans aucune des eſcritures, l'autorité de l'Egliſe vniuerſelle qui eſt illuſtre en cét endroit n'eſt pas petite, en laquelle la recommandation pour les morts, trouue place dans les prieres que le Preſtre fait à l'Autel.

Au Chap. 16. De la Cité qu'on ne penſe point qu'il y reſte des peines du Purgatoire apres le dernier iugement.

Au Chap. 4. du Liure du ſoin pour les morts rendant raiſon pourquoy on enſeueliſſoit les morts près des corps des Martyrs, dit *Ne faut pas oublier les prieres pour les Morts que l'Egliſe a entrepris de faire pour tous ceux qui ſont morts en la Communion Chreſtienne & Catholique, afin que ce deuoir ſoit rendu par la pieuſe mere commune à tous ceux qui n'ont ny pere ny mere, ny enfans ny parens qui les puiſſe ſeruir en cette occaſion.*

S. Auguſtin encore au Sermō 32. des paroles de

e l'Apostre, dit *Il ne faut point douter que par  
s prieres de la Sainte Eglise par le sacrifice  
lutaire, par les aumosnes qui sont distribuées  
par les morts, ils ne soient aydés affin que Dieu  
s traiete plus misericordieusement que leurs  
chés n'ont merités.*

S. Chrysostome sur l'Epistre aux Philippiens  
omelie 3. *Ce n'est point en vain que les Apo-  
res ont institué qu'en la celebration des redou-  
bles mysteres on face memoire de ceux qui sont  
cedés: Il connoissoient qu'il leur en arriuoit  
and proffit. Car en ce temps là que tout le  
uple assiste, tendant les mains en haut & tout  
College Sacerdotal. Et que cette redoutable  
ssic est là proposée & mise comment n'appai-  
ont nous point Dieu prians pour eux: Mais cela  
faict pour ceux la seulement qui sont morts en  
Foy.*

S. Hierosme sur le Chap. II. des Prouerbes  
; *Les ames des Trespassez sont soulagées par  
prieres, aumosnes & par la celebration des  
sses.*

Le mesme sur Isaye Chap. 66. *Comme nous  
ons que les Impies qui ont dict en leur cœur,  
y à point de Dieu, endurent des tourmens  
rnels, ainsi pensons nous que la Sentence du  
est moderée & meslée de clemence pour les  
eurs mais Chrestiens, les œuvres desquels*

*sont esprouués dans le feu & purgée.*

Sur le 7. Chap. de Michée. *L'ame apres les tourmens & supplices sort des tenebres après auoir rendu iusques au dernier quadrain, dict ie verray la Iustice d'iceluy.*

S. Ambroise en l'Oraison de la mort de son Frere Satyrius priant pour luy, dit *Je vous recommande, Dieu tout puissant cette ame innocente : Je vous presente mon Hostie prenés à gré & propice ce don Fraternel & sacrifice d'un Prestre.*

Eusebe de Cesarée qui viuoit du temps du premier Concile de Nicée parlant de la mort de Constantin le grand liure 4. dit *Le Peuple en foule & le Clergé pleurant rendoient à Dieu des prieres pour l'ame de l'Empereur.*

Ces autorités donneront sans doute de la satisfaction aux Catholiques qui peuuent voir que le lengage de l'Eglise d'aujourd'hui n'est autre que celuy de l'Eglise primitiue & des Saints Peres & Docteurs qui ont fleury chez elle durant les premiers Siecles, qui tous d'une commune voix ont publié la mesme doctrine. Ils remarqueront donc 1. Que la priere pour les morts, vient d'une sainte & salutaire pensée. 2. Que l'Eglise Iuifve mesme prioit & faisoit des sacrifices pour la remission des pechés des morts. Ce que IESVS-CH. & les Apôtres



stres n'ont iamais repris comme ils eussent fait en vne matiere si importante. 3. Que comme dit S. Paul plusieurs sont sauués qui neantmoins reçoient avec cela du mal dans le feu pour auoir édifié sur le fondement de la Foy des choses vaines, passage que S. August. explique cōstamment du feu de Purgatoire. 4. Qu'il y à des pechés qui se remettent en l'autre vie comme remarque le même Sainct Docteur, & qui ne peut estre qu'en Purgatoire. 5. Qu'on faisoit des oblations pour les morts en l'Eglise primitiue, qu'on donnoit aussi des aumosnes pour le soulagement de leurs ames, qu'on offroit pour la même fin le sacrifice de la Messe. 6. Qu'on ne prioit que pour ceux qui auoient esté baptisés & estoient decedés dans la Foy. Or voila la pratique & croyance de l'Eglise Catholique, qui n'est autre que la croyance de tous les Saincts Peres & de l'Eglise primitiue.

Caluin au liure 4. de son Institution Ch. 2. §. 3. dit *Que c'estoit vne chose notoire, & sans doute que depuis l'âge des Apostres iusques au temps des Saincts Docteurs, comme Sainct Augustin. Il ne s'estoit fait aucun changement de doctrine ny à Rome ny aux autres Villes; & que la verité auoit esté constamment gardée & maintenüe depuis le temps des Saincts Apostres,*

stres, & liure 1. Chap. 11. §. 3. Il confesse que par l'espace de cinq cens ans ou enuiron, la Chrestienté a esté en sa vigueur. Et en l'Epist. à Sadolet, il appelle les Papes de ce temps là; Comme Damas-se Syricius, Anaſtasc & Innocent Saints Pontifes. Et dans son Institution liure 4. Chap. 9. §. 2. dit encore Nous receuons les anciens Conciles, comme de Constantinople le premier de Pheſe de Calcedoine & autres semblables qu'on a tenus pour condamner les erreurs & opinions des meschans Heretiques, nous leur portons reuerence, &c. Ces autorités de Caluin doiuent estre capables de fermer la bouche à tous les Ministres, & de refuter tout le liure de l'Anonime, qui a des raisons si foibles que cela fait pitié, ce ne sont que redites & bouffonneries continuelles qui ne meriteroient point de responce, neantmoins comme ceux de la Religion Pretenduë, pourroient tirer quelque aduantage du silence des Catholiques dans cette rencontre. J'ay creu estre obligé d'examiner avec exactitude son liure, pour voir s'il produisoit quelque nouveau argument contre la doctrine du Purgatoire. J'ay treuue que ce ne sont que des vieilles objections auxquelles on a respondu cinq cens fois, comme on peut voir dans les liures des Eminentissimes Cardinaux Bellarmin, Duperon & de Richelieu, & quantité d'autres

d'autres qui ont traité cette matiere, & qui<sup>25</sup>  
 ont fait voir l'impertinence des objections des  
 Ministres sur ce sujet. Je me suis seulement  
 attaché à traiter la doctrine du Purgatoire, qui  
 est le sujet de la Controuerse sur laquelle cét  
 Autheur bouffon veut railler & impugner; le  
 luy puis bien assurer que s'il est si mal'heureux  
 que de mourir dans la Relig. Pretendue Refor-  
 mée qu'il n'yra point en Purgatoire; c'est pour-  
 quoy il ne doit pas tant ce mettre en peine, puis  
 qu'il soustient encore que cette Doctrine est  
 vne inuenrion humaine: Qu'il me dise qui est  
 celuy qui en est l'Autheur, qui l'a inuentée  
 & en quel temps.

Il est à remarquer que Calvin assure que  
 l'Eglise a esté dans sa pureté pendant les qua-  
 tres & cinq premiers Siecles, & qu'il ne s'estoit  
 fait aucun changement de Doctrine ny a Ro-  
 me ny aux autres Villes, & que la verité s'est  
 constamment gardée & maintenüe. Or en ce  
 temps là on croyoit & enseignoit qu'il y à vn  
 Purgatoire, & qu'il est bon de prier pour les  
 morts: comme il ce void par les Peres que i'ay  
 allegués, donc le Purgatoire n'est pas vne in-  
 uenrion du Diable, sortie de la boutique de  
 Sathan, comme porte l'article 24. de la Con-  
 fession de Foy des pretendus réformés puis  
 que c'est vne doctrine enseignée par les Apo-  
 D stres:

ftres : Comme tefmoigne S. Chryfoftome , & qu'il fe void que l'Eglife Primitiue a prié pour les morts. Si ie n'ay pas gardé l'ordre de la Cronologie en quelques endroits , pour ce qui regarde la citation des passages des Peres, ie l'ay fait pour donner plus d'esclaircissement.

I'ay esté obligé de respondre à ce que dit l'Autheur Anonyme en la page 47. de son liure touchant l'obeyssance que les sujets doiuent à leurs Souuerains; quoy qu'il semble que ce soit vn sujet hors de cette Controuerse, & continuant ses ralleries, il dit que c'est à tort qu'on accuse les Huguenots de desobeissance aux Roys. Que bien au contraire qu'vn Autheur Catholique dit qu'ils pechent dans l'exez, & qu'il ne faut que lire les articles 39. & 40. de leur Conf. de Foy. Il est vray que l'article 40. porte qu'il faut obeyr aux Souuerains : Mais à la fin de cét article, il y a vne condition *moyennant que l'Empire Souuerain de Dieu demeure en son entier.* Parolles qui sont bien significatiues qui ont bien causé des batailles & fait répandre du sang. Car par cét Empire Souuerain de Dieu ils entendent que les Roys & autres Souuerains soyent de leur Religion, ou qu'ils ne la choquent pas. Il se void que là où ils ont peu estre les maistres, ils ont secoué toute Superiorité tant tēporelle qu'espirituelle, & ont pris sur  
les

les Souuerains & sur l'Eglise; ie leur vouldrois demander si les Apostres ont fait le même pour establir l'Euangile, & s'ils auoient des Armées pour prendre par force les Villes & s'en rendre les Maistres, & s'ils se sont saisis des biens des Souuerains, pour se faire Souuerains eux même. Leur Patriarche Calvin en son Institution liure 4. Chap. 20. §. 1. leur enseigne *Que la liberté promise en l'Euangile ne reconnoit ny Roys ny Maistres entre les hommes.*

Et en son Commentaire sur Daniel Ch. 6. v. 22. p. 77. *Les Princes terriens (dit-il) se demétent & se priuent de leur authorité & de leur puissance quand ils s'esleuent contre Dieu; (C'est à dire quand ils ne sont pas de sa Religion,) il faut pluyst leur cracher au visage que de leur obeyr.*

Et sur le verset 3. pag. 68. *Nous voyons ez Cours des Roys que les plus bestes sont les premiers, & les plus auancés, & ensuitte les Roys sont tous hebetés & bruteaux, comme des Cheuaux & des Asnes, en vn mot des bestes brutes.*

Goodman Anglois au liure qu'il a fait sous le titre de l'Apologie des Protestans, dit que les Princes selon la Loy de Dieu peuvent estre deposés.

Calvin en son Epist. 36. loue cét Anglois, & adjouste *Que si le Magistrat neglige de s'aqui-*

*ter de son deuoir, il est libre au peuple de prendre vn autre Maistre, & qu'en ce temps Dieu luy accorde l'usage du glaue.*

Il y à dequoy s'estonner comment l'Autheur Anonime ose soustenir encore que ceux de la Religion Pretenduë excedent en l'obeyssance qu'ils doiuent à leurs Souuerains, sur tout quād ils ne sont pas de leur Religion. Il est à presumer comme tout son liure n'est qu'un Satyre, qu'il raille aussi bien en cét endroit comme en tous les autres; puisque ceux de la Religion Pretenduë canonisent Calvin cōme vn grand Prophete de Dieu, & reformateur de l'Eglise; Quoy qu'il parle avec tant d'insolence & de mespris des Roys qui sont personnes sacrées desquelles on ne doit parler qu'avec respect & veneration. Car qu'elle confiance peuuent auoir les Souuerains en ceux qui sont imbus de cette Doctrine si impie, & qui sont persuadés qu'elle est ortodoxe & conforme à la parole de Dieu, parce que Calvin la Enseignée. Je prie Messieurs de la Religion Pretenduë Reformée de ne se pas scandaliser si j'ay cité ces autorités de Calvin si contraire à la Monarchie. Je n'ay pas peu m'en dispenser puisque ie me suis veu obligé de respondre precisement à cette Anonime. Ce n'est pas que ie ne croye qu'il n'y en ayt plusieurs d'entr'eux qui improueront  
sans

sans doute vne Doctrine si dangereuse & même contraire à la parole de Dieu, comme enseigne l'Apostre Sainct Paul aux Romains Chapitre 13. Lors qu'il dit *Qu'il faut obeyr aux puissances Superieures, qu'il n'y en à point qui ne soit ordonnée de Dieu, & qu'il faut obeyr aux Roys, non seulement pour l'yre, mais pour la conscience, & qui résiste à la volonté du Roy, résiste à l'Ordonnance de Dieu.*

Je prie encor ceux de la Relig. Pretendue de faire vne serieuse reflection sur ce que dit Calvin; car la chose le merite, comme estant de tres grande importance pour ce qui regarde nos Controuerses. Car il aduoüe comme i'ay fait voir que l'Eglise a esté en sa pureté dans les 4. & 5. premiers Siecles, & que la verité s'y est toujours maintenuë & conseruée; voyla de beaux témoignage qu'il rend à l'Eglise Romaine du temps passé.

Les Ministres sont obligés de nous faire voir quant est-ce que l'Eglise Romaine a perdu cette Foy, qu'elle auoit conseruée avec tant d'esplendeur; quant est-ce qu'elle a cessé d'estre ce qu'elle estoit: En quel temps est-il arriué qu'une Religion estrangere est entrée dans Rome & a surpris toute la terre, sous quel Pontife est elle tombée dans ce desordre; par qu'elle force y a t'elle esté contrainte, & que de visible com-



me elle estoit, elle ce soit renduë inuisible cō-  
me assure Dumoulin en son Bouclier de la  
Foy, & Mestrezat en son traicté de l'Eglise? le  
demande encore aux Ministres quand Luther  
& Calvin sont venus, en quel endroit ont ils  
rencontré ces fidelles inuisibles pour ce ioin-  
dre à eux. Certainement il faut estre dans le  
dernier aveuglement, & estre tout à fait dé-  
pourueu de sens pour croire de semblables ab-  
surdités, ce qui est contraire même aux Arti-  
cles 25. & 29. de leur confession de Foy, qui  
enseignent *Que l'ordre que Dieu a'estably en  
son Eglise doit estre Sacré & inuiolable, & que  
l'Eglise ne puet point consister.* (Notés ne peut  
point consister,) *Si non qu'il y ayt des Pasteurs  
qui ayent la charge d'enseigner, lesquels on doit  
honorer & escouter en reuerence, la vraye  
Eglise doit estre gouvernée selon la police que  
nostre Scigneur IESVS-CHRIST y a'establie c'est  
qu'il y ayt des Pasteurs Surueillans & Diacres,  
afin que la pureté de la Doctrine ayt son cours,  
que les vices soient corrigés & reprimés, & que  
les pauvres & tous autres affligés soient secou-  
rus en leurs neceßitez, & que les Assemblées ce  
fassent au nom de Dieu afin que grands & petits  
soient ediffiés.*

S'il est vray ce que disent ces Articles; Sça-  
uoir que l'ordre que Dieu a'estably en sō Eglise  
est

est sacré & inuiolable, & que l'Eglise ne peut pas consister n'y estre veritable Eglise, sans les marques que luy donnent les susdits Articles, donc c'est vne pure resuerie de dire qu'elle a esté inuisible, puisque toutes ces marques sont visibles, où il faudroit dire que deuant la venue de Calvin il y auoit des Pasteurs inuisibles qui preschoient a vn Peuple inuisible, & qui administroient les Sacremens inuisiblement, & si l'Eglise estoit visible, que les Ministres nous marquent l'endroit ou est-ce qu'elle estoit, en quel Pays & en quelle Ville, & qu'il nous fassent voir qu'il y auoit vne société de personnes qui professoient leur Doctrine, & qui auoient la même Confes. de Foy & les mêmes Sacremens qui chantoient les Pseaumes de la même façon, elle n'estoit pas a Geneue comme il ce void par l'inscription qui est à la muraille de leur maison de Ville, où ils disent que la reformation; c'est à dire leur Religion a esté établie dans ladite Ville l'an 1535. Ce fut lors qu'ils chasserent leur Euesque, le Clergé & tous les Catholiques, & se rendirent Maistre de la Ville, & se saisirent de toutes les Eglises apres les auoir pillées, & se saisirent ensuite du bien de Monsieur l'Euesque & de son Chapitre; Comme des Parroisses de Chanisy, Aully & Moins, &c. qu'ils détiennent iniustement; lors que

que le Roy leur a fait demander par Monsieur de Bouchu son Intendant en la Prouince de Bourgogne: En vertu dequoy ils tenoient ces trois Parroisses, de Chanfy, d'Auilly & Moins; Ils firent responce qu'ils n'auoient point d'autres titres à monstrier que les Clochers de l'Eglise de S. Pierre. Il faudra pourtant à la fin qui les rendent & restituent à Monsieur leur Euesque & à son Chapitre à qui elles appartiennent legitiment.

Et pour faire voir encor plus particulièrement à ceux de la Religion Pretenduë Reformée, la verité de la Religion Catholique & sa conformité avec l'Eglise Primitiue. Je rapporteray icy vn passage de S. Epiphane qui viuoit sur la fin du 3. Siecle, & au commencement du 4. Lequel passage deuroit terminer toutes nos Controuerses S. Epiphane apres auoir refuté les Heresies qui auoient esté iusques à son temps, fait vn pourtraict racourcy de la vraye Eglise pour la faire discerner de toutes les Congregations Heretiques dans les dernieres paroles de son *Panarium*. Voicy comme il parle?

*Il est derechef necessaire que ie face vne briefue recapitulation de la forme de viure des Statuts & des traditions qui se gardent encore dans l'Eglise de Dieu. Scachés donc que toutes les choses*

choses qui ont esté obseruées dans l'Eglise Catholique le sont encore aujourd'huy de même partie par commandement, & partie par conseil, à la grande gloire de Dieu, qui prend plaisir à la vertu de sa doctrine le premier ordre qui est le fondement des autres, s'il faut ainsi parler est la Virginité laquelle est honorée de plusieurs personnes la retraite vient apres, & se rencontre en beaucoup de gens de tous les sexes; la continence suit qui est aussi dans l'Eglise la viduité, en apres ornée d'une chaste & Sainte conuersation les nopces pour lesquelles on a toujours eu beaucoup de veneration: Mais si i'ose dire le pinot & la source de tous ces Ordres est la Prestrise, à laquelle sont initiés principalement les hommes Vierges, ou du moins les solitaires & non mariés; & si ceux là ne suffisoient, on y appelle des hommes qui s'abstiennent de leurs femmes ou qui perseuerent dans une chaste viduité apres un seul mariage; Car un homme qui a esté marié deux fois ne peut pretendre au Sacerdoce, encore que celui qui a esté continent ou veuf d'une seule femme puisse estre esleué à la dignité d'Euesque, de Prestre, de Diacre & de sous-Diacre, le Sacerdoce est suiuy de l'ordre des Lecteurs, lequel est composé d'hommes Vierges mariés ou solitaires; & s'il est besoin de ceux qui ont espousé une secon de femme apres le deceds de la premiere;

Car le Lecteur n'est pas Prestre, mais est comme le Secraire ou Escriptuain de la parole du Prestre, lors qu'il est besoin de vacquer ou de visiter les corps des infirmes. Il y a des Diaconesses employées au seruices des seules femmes & non pas des hommes, à cause de la reuerence, & faut qu'elles soient Vierges, ou à tout le moins ueufues & qu'elles n'ayent pas conuolé a un second mariage. Vous voyés par apres les interpretes des langues aux leçons ou conferences: Les Ouuriers qui enterrent les corps des Deffuncts. Enfin les Portiers & tout l'ordre d'une bonne discipline: Quand aux Communions les Apostres ont voulu qu'elles se fissent au iour de Mecredy, de Samedy & de Dimanche, le Mecredy & Samedy on ieusne iusques à l'heure de none. Les Apostres ont laissé par tradition que les ieusnes se fissent au iour de Mecredy & de Samedy, afin d'accomplir ce que nostre Seigneur a dit, lors que l'Espoux leur sera hosté ils ieûneront en ces iours là. Ce n'est pas toutesfois pour rendre quelque grace ou quelque bien-fait à celuy qui a enduré pour nous, que le ieûne nous est ordonné: Mais pour faire une salutaire Confession des peynes que I. C. a souffertes pour nous. Et afin que nos ieûnes soient contés deuant Dieu pour penitence & satisfactiō de nos pechez: Il faut neantmoins excepter de cela les cinquante iours qui sont entre Pasque &

la Pentecoste, durant lesquels on ne se met point à genoux, & on n'est pas obligé de ieûner non plus qu'au iour de l'Epiphanie & de la Natiuité de nostre Seigneur, encore que cette tresSainte Natiuité arriue un iour de Mecredy ou de Samedy, les matinées du Dimanche sont employées aux Communions; Il y a des personnes exercées en la pieté lesquelles ieûnent perpetuellement excepté les iours entre Pasque & la Pentecoste & tous les Dimanches; car les Dimanches sont fort celebre en la Sainte Eglise, laquelle veut bien que l'on Communie: mais non pas que l'on fasse des ieûnes, non pas mesme les Dimanches de Carefme l'Eglise obserue saintement le Carefme deuant Pasque, perseuerant en ieûne continuel excepté les iours de Dimanche; Au reste les Peuples deuots ont de coûtume six iours deuant Pasques c'est à dire toutes les feries de la Semaine Sainte de se contenter de viandes seiches, de pain & d'eau les plus deuots doublent, triplent & quadruplent leurs ieunes, quelqu'uns passent mesme toute la semaine sans manger. Le Baptisme & les autres Misteres sont accomplis conformement à la tradition de l'Euang. & des Apostres, & quant à ce qui est des fideles defuncts, on fait memoire d'eux, on fait pour eux des prieres à Dieu & des dispensation des sacrés Misteres. De plus en cette Eglise de Dieu ont dit perpetuellement Matines, ou



des Hymnes & des Oraisons Matutinales, quelques uns des solitaires: C'est à dire de ceux qui ne sont pas Mariés habitent dans les Villes, les autres dans les deserts. Il y à outre cela d'autres conuersations dans la vie superheminenté, qui s'obseruent en la même Eglise Catholique. A sçauoir de ceux qui s'abstiennent de manger de toutes chairs d'animaux à quatre pieds de volailles & de poisson, & qui suivent par deuotion d'autres Institutions de vie; car chescun receura sa recompense selon son propre labeur & de ceux-cy, les uns se priuent de toutes ces choses, les autres seulement des animaux à quatre pieds viuans de volaille & de poisson, les autres se priuent de volailles, & vsent seulement de poisson & d'œufs & autres ne mangent point d'œufs, mais du poisson seulement, autres s'abstiennēt encore de poisson & n'vsent que de fromage; autres se priuent même de fromage, & autres de pain: Autres enfin des fruits des arbres, comme de noix & de toutes choses cuites; il y en à plusieurs qui couchent à plate terre, les autres qui ne portent point de chaussure, & les autres qui ne sont vestus que de saes pour faire penitence, il y en à qui travaillent de la main pendant que les autres vacquent à la Psalmodie à l'Oraison & à l'écriture de l'écriture Sainte, il y en a grand nombre qui vendent leurs biens & le donnent aux pauvres. Voila  
la



*la forme de la Sainte Eglise, voila le bon Antidote préparé pour ceux qui en usent par la volonté du Pere, du Fils & du S. Esprit. Voila les Caracteres de l'Auguste & chaste Epouse de I. C. Voila le Dot & le Testament de l'Heritage qu'il luy a laissé. Voila la volonté de nostre Seigneur I. C. Epoux de la Sainte Eglise, par lequel & avec lequel soit gloire, honneur & Empire, avec le saint Esprit, par tous les Siecles des Siecles, Amen.*

Je laisse à examiner avec soin toutes ces autorités aux plus passionnés de la Relig. Pretendue Reformée, & apres qu'ils les auront bien examinées qu'ils tirent la conséquence eux même, il verront si leur Religion est celle des 3. & 4. premiers Siecles, & peuvent voir combien elle en est esloignée, autant que le Ciel de la terre. Saint Epiphane en cet excellent passage, ne parle pas comme Docteur particulier; Il fait seulement voir aux Heretiques de son temps, & apres les auoir refutés qu'elle estoit la creance & la pratique de la veritable Eglise & leur monstre qu'elle n'enseignoit rien qu'elle n'eust receu des Apostres, comme la priere pour les Morts, &c.

Or la Religion Pretendë Reformée n'estant pas conforme à celle des 4. & 5. premiers Siecles, elle n'est pas l'Eglise de I. C. il y a dequoy

s'estonner comme ceux de la Religion Pretendue Reformée estans conuaincu de la nouveauté de leur Religion, & par conséquent de sa fausseté; puis que Calvin en est l'Auteur, & qu'en l'Ep. Liminaire de leur Bible, ils disent qu'en matiere de Religion toute nouveauté est à reietter & detester, ils s'opiniastrēt à y demeurer : N'est-ce pas se vouloir damner à credit, ils assurent encore en la section 16. de leur Catechisme *que hors de la vraye Eglise, il n'y a que damnation & mort.* Or on leur fait voir plus clair que le iour, que leur Eglise n'est pas la veritable Eglise, ce qui tesmoigne vn estrange aveuglement.

Ils ne veulent pas même s'instruire, les Ministres fuyent les Conferences, se cachent & ne veullēt point disputer la raison, parce qu'ils se méfient de la bonté de leur cause; En Franco ils se couurent de ce pretexte que le Roy defend les Conferences de Religion, & s'échappent de cette façon, (ce qui n'est pas vray,) le Roy ne deffend point les Conferences particulieres à Geneue n'y en Suisse, les Ministres ne veullent non plus disputer. Si quelque Controuersiste y alloit pour conferer avec eux on le maltraitteroit; à Veué dans le Canton de Berne ils firent mourir il y a quelques années vn bon Prestre pour leur auoir soustenu que